



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

III. Cur dies festi à Calvinistis explosi.

urn:nbn:de:hbz:466:1-10880

mana Ecclesia carnis ysum nobis interdici? An non
hoc verbo Dei, præsentim ei loco qui est apud D.
Matthæum cap. XV. aperte repugnat? Numquid
hoc illud est quod Apostolus prædixit, venturos
extremis temporibus seductores, qui præcepturi
sunt abstinentiam à cibis, quos Deus creauit ad
percipiendum cum gratiarum actione, simulque
nubere prohibituri? Et hunc quidem locum ho-
mo simplex ac rufus mihi obiecit; fassus inter
alias haec non postremam fuisse causam, cur à
Romana Ecclesia discedendum -sibi existimat.
Sed omisere decepit homines! quorum oculi
tam viui luminis radios ferre non possunt, nec
errois sui fundum perspicere. Atqui generosæ
aquilæ, quarum obturus solis huius claritate ni-
hil hebetatur, facile vident, ista contra hæreti-
cos quosdam dicta esse, qui cibos omnino, tam
quam natura sua malos atque immuados damna-
runt: quales olim fuerunt Manichæi & Priscilia-
nistæ, qui carnium ysum omni tempore suis pro-
hibuerunt. At Catholice Ecclesiæ hæc non est
sententia, quæ peccatum carnibus nequaquam al-
ligat (alias enim eorum ylus omnia & semper ma-
lus esset) sed certantum diebus, ob mysteriorū
quæ in ijs acciderunt reuidentiam, à carnium esu
abstinere præcipit: ybi peccatum non in ipso cibo
est, sed in præceptorū Ecclesiæ contemtu: quem
admodū in paradiiso quoq; olim mors non à fructu
ligni vita, sed à primorum parentū inobedientia
profecta est. Imitatur nimirū sapientissima mater
Ecclesia bonos medicos, qui ægris nonnunquam
& certis cibis & yni ysu interdicunt, ad recupe-
randā facilius sanitatem. Quis tamen medico ex-
probret, cibos & ynu ab ipso reprobari? Id scilicet
vnum sp̄ctat Ecclesia, ut spiritum nostrum præpa-
ret, ac viuificet, carnis vero stimulos retundat;
utque contentis rebus terrestribus, ad cœlestia
sine vilo impedimento adspiremus. S. Bernardus
ex regulæ suæ præscripto à carnium esu semper ab-
stinet, non, ut ipse inquit, ex superstitione qua-
dam, sed ut carnem suam mortificaret. Carnem
enim nutrit, est carnis vita simul nutrit.

III. Quemadmodum vero noui isti Apostoli il-
lud, Ne facias tibi sculptile, &c. semper in ore ha-
bent; sic etiam non minus frequenter auditoribus
suis illud, Sex diebus operaberis, &c. inculcat: atque
sumpta inde occasione, dies festos, ab Ecclesia in-
stitutos damnant, non sine vulgi applausu, quod
plus in labore suo & industria quam in Dei pro-
videntia fiducia habeat, iij præsentim qui quo-

tidianis laboribus victum querunt, & de die
in diem vivunt. Dies festos etiam aiunt Paga-
nismum redolere. Non esse à Deo ordinatos, sed
meram esse superstitionem, qua Deus vehemen-
ter offendatur. Speculandam potius esse Creato-
ris legem, qui septimanam diem sanctitati ac quieti
consecrat. Idem olim Catholicis à Manichæis
objectum fuisse, apud Sanctum Augustinum vi-
dere est. Faremur sane, Deum nobis permisisse
ut sex diebus Septimanæ opus nostrum faciamus,
septimum vero cultui ipsius & gratiarum actioni
impendamus. Sed quid? An ideo nobis prohibuit,
ne aliis quoque diebus feriemur, quo tanto melius
divino cultui, ad præscriptum S. matris Eccle-
siæ, vocare possumus? Deus unam ac brevissi-
mam orationem, immo ut Calvinistæ dicunt, vel
spiritum non aspernantur. Una sola cogitatio,
qua nihil est in Munde levius, precium illud nobis
acquirit, quod omnes res Mundi huius longissime
superior: ergo ideo non multum ac frequenter o-
randum esse dicit? Præcipit Ecclesia, ut quotan-
nis die Paschatis, qui velut rex est omniū dierum,
SS. Eucharistia Sacramentum percipiamus: ergo
ad sacram illam mensam nemo frequentius acce-
det? Quod si institutione dierum festorum in nova
lege præceptum Dei violatum dicas; necesse est ut
fatearis in antiqua etiam lege idem violatum fu-
isse, institutis Esdræ, Dedicationis, & alijs diebus
festis, præter eos quos Deus ipse instituerat. Ergo
Apostolus Spiritus S. ductu destitutos dices, quum
Epiphania, Resurrectionis & Ascensionis festa
instituerunt, ut apud S. Clementem, Tertullianum
& Cyprianum legitimus? Horum exemplum sequi-
ti Ecclesiæ Præfules nonnullos alias dies sacros
esse iusserunt, ut ijs tam Redemptionis mysterio-
rum, quam martyrum & sanctorum virorum me-
moria celebraretur. Est tamen spes quædam, Hu-
gonotæ nostros hac in re tandem aliquando ad
mentemreditatos. Paucis enim abhinc annis in
Cleriacensi oppido, quod velut metropolis est &
sedes Calvinismi in Aquitania, anniversaria illa
festa, ut & dies festi SS. Apostolorum religiose
celebrati cœperunt. At D. Mariæ festa iamdudum
apud eosdem è Calendario erasa sunt, quæ quidem
nos nullam aliam ob causam tam solempniter co-
linus, quam ut augustissimi mysterij de incarnatione
Filij Dei memoriam conferuemus, proque
tanto beneficio immortales Deo gratias agamus,
ut qui hoc præcipue instrumento redemptionem
& salutem nostram est operatus.

K 3

Ante

III. Ante omnia vitia & ignorantia multorum sacerdotum ac clericorum (faciamus enim ingenue quod negare non possumus , malorum nostri saeculi hunc praecipuum fuisse fontem) multos à Catholica Ecclesia diverterunt Ah miseros , quos aliena pericula & mala cautos facere non posse runt ! Non minus scite quam vere Pius II. Pontifex dicere solebat , quemadmodum imperiti medici corpora , ita indoctos sacerdotes animas occidere . Sed ecce ! dum illi virtus suis & ignorantia indormiunt , ac profundum sterrunt , Deus post longi temporis patientiam lento gradu accedens , eos opprimit , & ferrea virga percussos excitat : idem , inquam , ille Deus , quem S. Hieronymus in eadem ferente & causa inclamat : *Domine , quid te ascendunt dormisse , an vigila ?* Certe solutis in luxum Clericorum animis , & ignavia torpentibus , isti pseudo apostoli doctrinæ suæ zizania passim disseminarunt . Et quemadmodum hanc velut præcipuam apostasiæ suæ causam prætendunt ; sic idem quo minus ad Catholicam revertantur Ecclesiam , maximum est impedimentum : atque ita quod paucorum est , criminis reos faciunt , immo suam ipsorum malitiam , ut Susanna pudicitiam tentantes duo illi sequam , alijs imputant .

IV. Vetus illa haereticorum consuetudo semper fuit , & est . Religionis latus per Religiosorum vitæ petere . Et sicut musæ , inquit Sanctus Gregorius Nazianzenus , ulcerosæ libertius quam mundæ & nitidæ cuti insident . & vultures non ad sana corpora , sed cadavera advolant : sic homines isti apostati , relictis quæ in tot Ecclesiasticorum hominum millibus otidissime conspicuntur ; eximijs virtutibus , paucorum vitia fuggillari voluptati habent . Hæc illis uberrimam præbent etiam boscos calumniandi materiam : adeo ut nihil nisi atram bilem evomant , ac velut agitatum fluctibus mare ; tam suas quam alienas sortes ejiciant . Id sanctum aperiissimum in Gallia nostra Calvinistis vidimus : qui non ea solum quæ scriebant , sed etiam quæ nesciebant , ficta ac falsa in Catholicos , præsertim sacri ordinis , deblates abant , pasquillos & famulos libellos passim affigebant , iuthinos decantabant , nihil denique intermittebant , quod ad iniuendam , immo tollendam omnem Ecclesiastici ordinis existimationem atque auctoritatem quoquo modo pertinere videretur ; eo nimis , ut suave illud Christianæ servitutis iugum , quo pia anima in officio continetur , excutierent arque abiicerent .

V. Sed iniquum profecto est , inuans quod eunq;

ob gerentis vitia traducere ac vituperare . Quæ vero divina veritas ac religio è bonis aut malis pastorum dependeat ! Quorum opera si cum verbis non convenient , religio nihilominus sua ipsius veritate nitens , firma temper & immota consistit . S. Augustinus ad solius Dei potentiam nobis respiendiendum hic monet , nec posse nobis à ministro quidquā mali obtingere , ubi magister tam bonus sit . Et Tertullianus , Non ex personis fidem , sed ex fide personas probandas ait . Peccatum quidem ex homine est ; sed unctio à Deo , quam peccatum oblitterare sive evacuare non potest . Ecclesiastici hominis vitium mutare nequit id quod illi ex divina cœficatione cœlitus datum est . An tu magnū illum Mundi oculum , etiamsi radios suos infimum & cloacas immittat , propterea pollui dices ? Sanctum Ludouicum Galliæ regem dicere solitum adjunt : quamvis boni ac probati mores firma admodum Ecclesia sint munimenta , & ad persuadendum maiorem vim habeant quam verbaz ; divina tamen mysteria ac sacramenta administrantium vitijs nequaquam evadere minus sacra vel efficacia . Sanctus Thomas disserit ait , sacramenta vitijs sacerdotis manibus tractata , candem nihilominus habere efficaciam , quam si ab inculpatæ vitæ hominem administrata essent : quamvis huius quam illius oratio melior sit . Et Augustinus Deum inquit gratiæ suæ sacramenta per malorum manus nobis porrigeret , gratiam vero per seipsum aut sanctos nobis largiri . Sed haereticis os sapientissimis probati eiusdem auctoris verbis occludamus , inquiētis . Jecum Christum noluisse ut quod suum esset , vel per officiarum seu ministrorum bonitatem melius vel eoruendem pravitatem deterius redebet . Cur quæso ? Ne , inquit boni sibi persuaderent , quidquā sua bonitate divinis operibus addi ; aut mali , ex sua malitia divina bonitati aliquid detrahi posse : & ita utrique Deo potentiores , aut id quod solius Dei est sibi attribuendo , ipsi dij videatur . Sed hæc omnia susque deque habent haereticis : qui non ceremonijs modo & sacerdotalibus vestibus , verum etiam ipsis sacris personis illudunt , per contumeliam eos cum Rabinis Tonlos aut Rasos , quos Sanctus Hieronymus honorifico elogio Coronatos vocat , appellantis . Eodem illi asininis , lupinis , vulpinis capitis . & quæ non tandem forma pisces , ad ludibrium proponunt & ostentant ; nullo denique iniuriatum calumniatum ac convictorum genere non proscindunt . Sed mirum nō est , ut cum S. Bernardo loquamur , eos qui Ecclesiam nō ag-

dol-